

ՈՎԷՐԻ ԷԻՆ ԿԱՐԾԵՑԱԼ ՇԱՊՈՒՂ ԲԱԳՐԱՏՈՒՆՈՒ ԴԵՐԵՆՆԵՐԸ

Վ. Մ. ՎԱՐԴԱՆՅԱՆ

Շապուհ Բագրատունու անունով էջմիածնում 1921 թ. լույս ընծայված յորժր ժողովրդական ոճով մի պատում է զանազան անցքերի, անձնավորությունների մասին: Այս գործի երկրորդ՝ հիմնական մասը նվիրված է Արծրունիների տոհմին: Հեղինակն իրար է խառնել դեպքերն ու դեմքերը, որի հետևանքով ստացվել է կրկնություններով հագեցված մի գործ: Կրկնությունները շատ են հատկապես այն մասում, որտեղ խոսքը Արծրունյաց տան ներկայացուցիչների մասին է: Կեղծ Շապուհ Բագրատունու երկասիրության մեջ միահյուսված են իրականն ու ոչ պատմականը: Հեղինակը թեև որոշ շափով ծանոթ է Արծրունիների պատմությանը, բայց հիմնականում մնում է որպես անիրազեկ բանաբաղ:

Ըստ կեղծ Շապուհ Բագրատունու, Արծրունիների սերնդաբանությունը հետևյալն է. 1) Գագիկ և Սմբատ (եղբայրներ): 2) Աշոտ, Գրիգոր և Համազասպ (եղբայրներ): 3) Աշոտ: 4) Գագիկ և Սահակ (Աշոտի որդիները) և Սահակի կինը՝ Աշոտ Բագրատունու դուստր Սմբատուհին: 5) Գրիգոր Դեբեն (սրանց որդին) և կինը՝ Սյունյաց իշխանադուստրը: 6) Աշոտ (սրանց որդին): 7) Գրիգոր Դեբեն, Գագիկ, Համազասպ և Գրիգոր Դերենի կինը՝ Բագրատ կռապաշտի դուստրը: 8) Աշոտ: 9) Համազասպ, Դեբեն և վերջինիս կինը՝ Աշոտ Բագրատունու դուստր՝ Հրանուշը: 10) Աշոտ, Գուրգեն և Գագիկ:

Արծրունիների այս տոհմաբանությունը սխալ է, ոչ պատմական և չի համապատասխանում Արծրունյաց տան իրական պատմությանը: Կեղծ Շապուհի «Պատմության» համաձայն՝ Հայոց աշխարհում բուն դրած հակառակության հետևանքով ճրածանեցին զաշխարհ հայոց ի մէջ Բաքրատունեաց և ի մէջ Արծրունեաց, և կալան ի բաժին զաշխարհն հայոց՝ զհյուսիսոյ դեհն տուն Բաքրատունեաց... զվասպուրականի դեհն տունն Արծրունեաց»¹:

Արծրունիների սերունդների մեջ զգալի տեղ է հատկացված Արծրունի Դերեններին: Ընդամին պատմվում է երեք Դերենների մասին, որոնք հայ քննական բանասիրության մեջ համարվել են նույն անձնավորությունները²: Սակայն պատմական փաստերի և կարծեցյալ Շապուհի բերած տվյալներից երևում է, որ Դերենները տարբեր անձնավորություններ են: Կեղծ Շապուհի մոտ կան Դերենների մասին երեք զրույցներ: Ըստ առաջին զրույցի, Սահակ Արծրունին, որ զավակ չունի, կնոջ՝ Սմբատուհու, հետ գնում է Աշո վանք ուխտի՝ որդի ունենալու նպատակով: Ունենում են որդի, մկրտել տալիս նույն վանքում և անվանում Գրիգոր: Մնողները որդուն դնում են վանքի տրամադրության տակ՝ կոչելով Դերեն անունով³, Դերենը մեծանում է և ցույց տալիս աշխարհիկ սուր

1 Պատմութիւն Շապուհ Բագրատունոյ, էջմիածին, 1921, էջ 37:

2 Տե՛ս Մ. Ար և Ղյ ա ն, Երկեր, հ. Գ, Երևան, 1968, էջ 516:

3 «Դերենը» «Դերենիկ» փառաբանական ձևն է, որի բուն իմաստն է «ուխտական զավակ», արմատն է՝ «Դերի»՝ «վանք» (Շ. Ա ճ ա ո յ ա ն, Արմատական բառարան, հ. Բ, Երևան, 1928,

հակումներ, ուստի հայրը նրան վանքից տուն է բերում և ամուսնացնում սյուն-լաց իշխանադստեր հետ¹:

«Դերենի» անվան բացատրությունը կեղծ Շապուհի համար կռվան է հանդիսացել հերյուրելու Դերենի հետ կապված առաջին զրույցը, որն իրականություն հետ ոչ մի կապ չունի: Երկրորդ զրույցի Դերենը հիմնականում համապատասխանում է Վասպուրականի Գագիկ Արծրունի թագավորին (908—943): Այս զրույցի Դերենն ունի երկու կրտսեր եղբայր՝ Գագիկը և Համազասպը: Երեք եղբայրները միմյանց միջև են բաժանում Վասպուրականը: Վանը Տոսպ-Ռշտունիք գավառի հետ դառնում է ավագ եղբորը՝ Դերենի սեփականությունը: Այս զրույցում Դերենի աշխարհիկ հակումներն ավելի ցայտուն են դրսևորվում: Նա ուտելուց և ըմպելուց բացի ուրիշ տարերք չունի և վատնում է իր ունեցվածքը: Վան քաղաքն էլ գնում է իր Գագիկ եղբայրը: Բոլոր ծառաները լքում են նրան, բացի Զաֆրան անունով ծառայից: Ապա Դերենին այցելում է «Բաղդադի թագավորը», որը, պարտություն կրելով թշնամիներից, եկել էր Դերենի մոտ, նախապես լսած լինելով նրա մասին: Հյուրն օգնություն է հայցում Դերենից, վերջինս տալիս է իր ձին, զենքերը²: Քիչ ուշ Դերենն է այցելում «Բաղդադի թագավորին», որը մեծ պատիվներ է տալիս Դերենիկին և զորագնդով ճանապարհ դնում Վասպուրական, որին Դերենը վերստին տեր է դառնում: Շուտով մահանում է Բաղդադի հիշյալ խալիֆը, փոխարինում է Մահմեդը: Վերջինս շարունակում էր տրամադրված Հայաստանի նկատմամբ: Արշավելով Հայաստան, նա գրավում է Դվինը, ներխուժում Վասպուրական, բայց ջախջախվում է Դերենի կողմից: Ալեգարդ տարիքում իր մահկանացուն է կնքում Դերենը, որի դին ամփոփվում է Վարագա վանքում:

Հայտնի է, որ Գագիկ Արծրունին ևս ուներ երկու եղբայր (Աշոտ և Գուրգեն): Ավագ եղբոր՝ Աշոտի, մահից հետո Գագիկն ու Գուրգենը իրար միջև են բաժանում Վասպուրականը: Վանը՝ Տոսպ-Ռշտունիքով և այլ գավառներով բաժին է ընկնում Գագիկին³:

Կարծեցյալ Շապուհ Բագրատունու մոտ հիշված «Բաղդադի թագավորը» հավանաբար ծագումով քուրդ Դայսամ իբն Իբրահիմն է, որ 937 թ. իշխում էր Ատրպատականում: Երբ Սալարյանների տոհմից Մարզուբանը հարձակվեց նրա վրա, Դայսամ Իբրահիմի բանակից շատ քրդեր և դելմիկներ դավաճանեցին նրան, անցնելով թշնամու կողմը: Ծարահատյալ Դայսամը «Յուրայիններից մի քանիսի հետ փախչում է Հայաստան, ապավինելով Զաջիկ իրն ադ-Դայրանիին⁴, որի հետ մինչ այդ նա մտերմություն ուներ: Եվ Զաջիկն ընդունում ու պատիվներ է տալիս Դայսամին⁵:

էջ 512—513: Գիտակցելով այս անվան իմաստը (արաբերեն «գայր» նշանակում է «վանք»), արաբ մատենագիրները (Միսգավեյ, Իբն-ալ-Ասիր) Դերենիկ անունը հիշում են «Դայրանի» ձևով: Ըստ կեղծ Շապուհ Բագրատունու՝ «Դերեն» նշանակում է՝ «որդի վանաց» (էջ 38), ըստ Թովմա Արծրունու շարունակողի՝ «Դերենիկ, որ թարգմանի՝ ուխտիւք խնդրեալ ի տեսնէ» (Թ. Արծրունի, Պատմություն տանն Արծրունեաց, Թիֆլիս, 1917, էջ 459):

¹ Շապուհ Բագրատունի, էջ 39:

² Նույն տեղում, էջ 43:

³ Թովմա Արծրունի, նշվ. աշխ., Թիֆլիս, 1917, էջ 352, 368:

⁴ Արծրունյաց տան իշխանները երկանում էին՝ մեկը հայկական, մյուսն օտարամոտ կամ փաղաքական: Արաբների մոտ Գագիկ Արծրունի թագավորի անունը հնչում էր «Զաջիկ» ձևով, որը և օգտագործվում է Իբն-ալ Ասիրի և ուրիշների կողմից:

⁵ Ибн-ал-Асир, Из Тарих ал-Камиль, Баку, 1940, с. 95, J. Markwart, Sğdarmenien und die Tigrisquellen, Wien, 1930. S. 491.

Պետր է Լնթագրել, որ Գագիկ Արծրունու և երկրորդ Դերենի նույնացումը մասամբ կարող էր նաև հետևանք լինել Գագիկի և հոր՝ Դերենիկի, անունների նույնությունից: Բացի այդ, նմանօրինակ նույնացումը հետևանք էր նաև այն իրողության, որ Դերենիկ Արծրունի իշխանը (875—885) մեծ ազդեցություն ուներ Վասպուրականում և բացառված չէ, որ պատմական ավանդության մեջ նա ունենար թաղավորի համարում: Հատկանշական է, որ ժամանակամերձ արար մատենագիրները (Մխսթավեյ, Իբն-ալ-Ասիր և ուրիշներ), ելնելով Դերենիկ Արծրունու ազդեցիկ դերից, նրա որդիներին (որոնց թվում և Գագիկ թաղավորին) անվանում էին հոր անունով (Իբն-ալ-Դալրանի): Այս հանգամանքի բերումով ևս Գագիկ կարող էր կոչվել Դերեն: Դերենի Բաղդադ մեկնելու զրույցը, բոտ երևույթին, Գագիկ Արծրունու՝ Ատրպատականի ամիրա Յուսուֆի մոտ մեկնելու պատմության խնդարթյունով և վերապատումն է: Հայտնի է, որ Վասպուրականի զահերեց Գագիկ Արծրունին, գտնվելով Հայոց թագավոր Սմբատ Ա-ի հետ, 908 թ. մեկնում է Յուսուֆ Սաշիի մոտ և նրանից ստանում թագ և «Հայոց թագավորի» տիտղոս: Ատրպատականում իշխող Յուսուֆը, որպես Բաղդադի խալիֆի կամակատար, կեղծ Շապուհի մոտ նույնացվել է Բաղդադի խալիֆի հետ:

Ընդհանրապես նույնացման տեղեկները կենտրոնական դեր ունի կարծեցյալ Շապուհի մոտ: Դալսամ Իբրահիմը, որը մի ժամանակ տիրում էր Խալիֆայությունից կախման մեջ գտնվող Ատրպատականին, դարձյալ նույնացվել է Բաղդադի խալիֆի հետ: Կեղծ Շապուհի մոտ Դերենին վաղածանոթ խալիֆի հաջորդը չարությունը է համակված Վասպուրականի նկատմամբ, արշավում է նրա վրա, բայց ջախջախվում է: Պատմությունից հայտնի է, որ Ատրպատականի ամիրաները նույնպես արշավել են Վասպուրական և ջախջախվել: Երկրորդ զրույցի Դերենը վախճանվում է ծեր հասակում: Ըստ սկզբնաղբյուրների, Վասպուրականի թագավոր Գագիկ Արծրունին նույնպես վախճանվել է ծերացած տարիքում (943 թ., 64 տարեկանում): Կարծեցյալ Շապուհի տվյալներն ունեն հակասական բնույթ: Երկրորդ զրույցի Դերենի և Գագիկ Արծրունու արարքները նույնպես կրում են անհամաժամանակության դրոշմը:

Կարծեցյալ Շապուհի մոտ կարող են նույնացված լինել նաև Գագիկն ու իր հաջորդ Դերենիկ թագավորը (943—958 թթ.), մանավանդ որ Դալսամ Իբրահիմն ապավինել է թե՛ մեկին և թե՛ մյուսին: Սակայն Դերենիկ թագավորի մասին եղած պատմական աղոտ վերհուշը, ինչպես բնական էր սպասել, կեղծ Շապուհի երկասիրության մեջ ստվերարկվել է Գագիկ թագավորի կյանքի ու գործերի պատմությամբ, ի մի ձուլվել, նույնացվել դրա հետ:

Երրորդ զրույցի Դերենը նույնական է Գագիկ թագավորի հոր՝ Դերենիկ Արծրունի իշխանապետի (875—885) հետ: Այս զրույցի Դերենը ընդարձակում է Վասպուրականի իշխանության սահմանները, գրավում «Աղի ծովը» (Կապուտան լիճը), Սալմաստը, Հերը, Ճահուկը և այլն: Դերենը սիրահետում է Հերի և Մարանդի ամիրայի գեղանի դստերը՝ Կուլինարին և բաժանվում իր կնոջից՝ Հրանուշից: Վերջինս Հայոց Սմբատ թագավորի քույրն էր և բողոքում է նրան: «Հայոց և վրաց թագավոր, տիեզերակալ» Սմբատը Դերենին կշտամբելուց հետո, գրում է Հերի և Մարանդի ամիրայի որդիներին, հորդորելով սպանել Դերենիկին (այստեղ կեղծ Շապուհը Դերենի փոխարեն առաջին անգամ Դերենիկ է գործածում): Դերենիկը իր սովորության համաձայն աշնանը մեկնում է Հերի կողմերը, չանսալով Ապումրվանի և ուրիշների զգուշացնող ձայներին և

զոհ է գնում դավադրության: Կուլինարը գնում է Դերենի դիակը և ուղարկում Վասպուրական⁹:

Այս զրույցում նույնպես որոշ փաստեր ունեն հակասական բնույթ, թեև դիտելի է, որ ժամանակաշրջանով Դերենը քիչ է տարբերվում Դերենիկ իշխանապետից: Պատմությունը վկայում է, որ վերջինս եռանդուն գործունեությամբ ընդարձակել էր Վասպուրականի իշխանության սահմանները և Հերի ու Սալմաստի ամիրաներին պարտության մատնելով, նվաճել նրանց գավառները¹⁰:

Երրորդ զրույցում բավականին տեղ է տրված Դերենիկ իշխանապետի սպանության հանգամանքներին: Վերջինս, ինչպես հայտնի է, իրոք սպանվել է Հայոց թագավորի (բայց ոչ թե Սմբատ Ա-ի, ինչպես կեղծ Շապուհի մոտ է, այլ Աշոտ Ա-ի) կամակցությամբ: Հայաստանում Դերենիկի դերը մեծացել էր և սա չէր կարող չանհանգստացնել իշխանաց իշխան Աշոտին: Թեև, ինչպես վկայում է Ստ. Օրբելյանը, Դերենիկը Սյունիքի իշխանապետ Գրիգոր Սուփանի և ուրիշների հետ ձեռնդրեն յամիրապետին Ամիր-Ահմատայ և կացուցանեն Աշոտ Բագրատունի թագավոր հայոց¹¹: Դերենիկ Արծրունին մեծ համբավ ուներ նաև արաբական արքունիքում, որտեղ գտնում էին, որ նա արժանի է ողջ Արմինիայի կառավարչի թեկնածությանը¹²: Մասամբ այն փաստը, որ Դերենիկը Արմինիայի կառավարչի պաշտոնում Աշոտի մրցակիցն էր և միշտ չէ, որ հաշվի էր նստում վերջինիս հետ, մյուս կողմից Գագիկ Արծրունի Ապումըրվանի և Պարտավի ամիրայի խարդավանքները և, վերջապես, եթե հավատ ընծայենք Կեղծ Շապուհ Բագրատունուն, Դերենիկի ամուսնական անհավատարմությունը (այդ մասին կա նաև այլ աղբյուրում¹³), վերջնականապես սրում են Դերենիկի և Աշոտ իշխանաց իշխանի հարաբերությունները: Աներոջ և փեսայի լարված հարաբերությունների մասին վկայում են նաև Թ. Արծրունին և Հ. Դրասխանակերտցին¹⁴: Ըստ Թ. Արծրունու, Դերենիկին զգուշացրել են դավադրության մասին:

Արծրունյաց տոհմում հիշվում են նաև Վասպուրականի թագավոր Դերենիկը (943—958) և Անձևացյաց թագավոր Դերենիկը (թագավորել է Անձևացիքում՝ 1003-ից): Սակայն, ինչպես երևում է կարծեցյալ Շապուհի տվյալների և իրական-պատմական փաստերի համադրումից, այս թագավորները չեն կարող նույնացվել Կեղծ Շապուհի Դերենների հետ: Ճիշտ է Վասպուրականի Դերենիկ թագավորի մոտ նույնպես ապաստանել է Դայսամ Իբրահիմը¹⁵, սակայն այս փաստը կովան չի կարող հանդիսանալ նման նույնացման համար (ընդամին 954 թ. նույն Դերենիկի մոտ է ապաստանել նաև քուրդ (Շաղդատյան) ցեղապետ Մուհամմադը¹⁶:

⁹ Շապուհ Բագրատունի, էջ 65—71:

¹⁰ Հովհաննես Դրասխանակերտցի, Պատմութիւն Հայոց, Թիֆլիս, 1913, էջ 141:

¹¹ Պատմութիւն նահանգին Սիսական, արաբիալ Ստեփանոսի Օրբելիան արքեպիսկոպոսի Սինաց, Թիֆլիս, 1911 թ., էջ 175:

¹² J. Markwart, Sudarmenien, s. 327.

¹³ Դ. Հովսեփյան, Հիշատակարանք ձեռագրաց, Ա., Անթիլիաս, 1951, էջ 18:

¹⁴ Թ. Արծրունի, նշվ. աշխ., էջ 363, Հ. Դրասխանակերտցի, նշվ. աշխ., էջ 135—136:

¹⁵ Ибн-ал-Асир, с. 101—102, Эпиграфика Востока, X, М.—Л., 1955, с. 24, 36—37.

¹⁶ V. Minorsky, Studies in Caucasian History, London, 1953, p. 12—13.

Այսպիսով Կեղծ Շապուհի երկում տեղ դրած տվյալները հյուսված են իրական-պատմական փաստերի շուրջ, որոնք վիպականացվել են, դարձվել պարզունակ, ժողովրդին մատչելի։ Այս երկը, դատելով բովանդակությունից, պետք է լինի Արծրունի մատենագրի հեղինակածը, որովհետև, ինչպես ասվեց, հիմնականում վեր է հանում Արծրունիների հետ առնչվող անցքերը, մինչդեռ տվյալ ժամանակաշրջանի ավելի պատվարժան տոհմի՝ Բագրատունիների մասին խոսվում է թուրքիկ վերապահությամբ։ Բագրատունիները հիշվում են միայն այն դեպքում, երբ առնչվում են Արծրունիներին։ Երբեմն նույնիսկ Բագրատունի տան գործիչներն անվանվում են «Արծրունի»¹⁷։ Այսօրիակ փաստն, անշուշտ, արդյունք էր նաև պատմական տվյալ շրջանում Արծրունիների տոհմի զորեղացման, Վասպուրականի լիիշխան իրավատեր դառնալու իրողության։ Երկի ձեռագիր օրինակը 1917 թ. բերված է Վանա լճի լիմ կղզու վանքից՝ Արծրունիների երբեմնի տիրույթ հանդիսացող Վասպուրականի Առբերանի գավառից։ Աշխատության լեզուն ու ոճը մոտ է Վանի բարբառին (հաճախ այնտեղ է տառը լծորդվում է հո-ով և այլն)։

ՇԷԼ

КТО БЫЛИ ДЕРЕНУ У ПСЕВДО ШАПУХА

В. М. ВАРДАНИЯ

Р е з ю м е

В истории Псевдо Шапуха запутаны исторические события, действующие лица. В этом произведении, главным образом, говорится об Арцрунидах, среди которых представлены три личности по имени Дерен, отождествляемые в арменоведческой литературе. Дерены у Шапуха—различные персоны. Первый Дерен—вымышленное имя, вторым Дереном назван Васпураканский царь Гагик Арцруни (908—943), третьим Дереном является его отец, Васпураканский князь Дереник Арцруни (875—885).

Анализ данных показывает, что в основе труда историка лежат реальные факты, а сам Псевдо Шапух принадлежит к роду Арцруни.

¹⁷ Տե՛ս Շապուհ Բագրատունի, նշվ. աշխ., էջ 52, 69։